


မသဲ 26



ပသခါပွဲခံချိန်
 ခြောက်ရက်လို
 သောအခါ သေလွန်ပင်းမှ
 ပြန်ယွေ့ အသက်ပြန်ဆုင်ခဲ့သူ
 လာဇရု နေထိန်ရာဖြစ်သော
 ဗေသနိရွာဟို
 ယေရှုရောက်လာအယ်။
 အဲအခါ မာရိဟ ရမ်းဆာ့အဖိုးထိုက်သော
 နာဒုဆီမွေးအစစ် သုံးဆယ်သားဟို ယူယွေ့ ယေရှုရဲ့
 ခြေဟို ဆီလိမ်းပင်း မိမိဆံပင်နဲ့ သုတ်အယ်။



အေးဆီမွေးရဲ့
 ရနံ့ဟ
 နေအိုင်တခုလုံးဟို
 မွေးကြိုင်လျက် ဆီအယ်။



အေးနောက် တဆယ့်နေပါးသော တဘွဲတော်လို့ထဲမှ
တပါးဖြစ်သော ယုဒရှုကာရုတ်ဟ၊
ယဇ်ပုရောဟိတ်ကြီးများ လက်သို့
ယေရှု့ဟို သစ္စာဖောက်ရန်
သူ့လို့ဆေသို့သွားအယ်။



3

သူပြောတဲ့ စကားဟို ကြားရတော့ သူ့လို့ဟ ဝမ်းသာကြပွေ့၊
သူ့အား ငွေပေးမယ်လို့ ကတိပြုကြအယ်။
အေးလို့မို့ ယုဒဟ ယေရှု့ဟို သူ့လို့
လက်ထဲဟိုအပ်ရန်
အခွင့်ကောင်းဟို
စတင် ဆာလျက်
နေအယ်။



4

တဘွဲတော်လို့ဟလည်း
ယေရှု့မိန့်လဲ့အတိုင်း
လိုက်နာဆောင်ရွက်ယွေ့ ပသခါပွဲဟို
အသင့်ပြင်ကြအယ်။ ယေရှု့ဟ သူ့လို့
စားလျက်နေစဉ် မုန့်ဟို ယူယွေ့
ကျေးဇူးတော်ဟို ချီးမွန်းပင်း
မုန့်ဟိုဖဲယွေ့
“ဟေမုန့်ဟ ငါရဲ့
ခန္ဓာကိုယ် ဖြစ်အယ်။
ယူယွေ့ စားကြလော့” ...



5

... ဟု မိန့်ပင်းရင် တဘွဲတော်လို့အား
ပေးအယ်။ အဲပင်းရင် မုတ်ဟို
ယူယွေ့ ဘုရားသခင်ရဲ့ ကျေးဇူးတော်ဟို
ချီးမွန်းပင်းနောက် တဘွဲတော်လို့အား
ပေးအယ်။



6

ကိုယ်တော်ဟ “နင်လို့အားလုံး
ဟေမုတ်ဟို သောက်ကြလော့။
ဟေစာဟ ဘုရားသခင်ရဲ့ ပဋိညာဉ်တော်ဟို
တံဆိပ်ခတ်သော လူတို့အပစ်
ဖြေလွှတ်ရန်အတွက် သွန်းသော ငါရဲ့
အသွေးဖြစ်အယ်။”




7

“ရှိမုန့်၊ ရှိမုန့်၊ နားထောင်လော့။ ဂျုံစပါးဟို ဆန်ကာချသလို
နင်လို့အားလုံးဟို စစ်ဆေးဖို့ စာတန်ဟ အခွင့်ရလေပီ။
အဲလိုလဲ နင့်ရဲ့ ယုံကြည်ခြင်း မဆုံးရှုံးမဲ့အကျောန်း၊ နင့်အတွက်
ငါ ဆုတောင်းလေပီ။ နင်ဟ သတိရပြန်သောအခါ နင့်ရဲ့
ညီအကိုလို့ဟို
တည်ကြည်စေလော့”
ဟု ပြောလေအယ်။



8

ပေတရုဟ “သခင်၊ ငါဟ ကိုယ်တော်နဲ့အတူ ထောင်ထဲဟို သွားရန်နဲ့ ကိုယ်တော်နဲ့အတူ သေဖို့ အသင့်ဆီပါအယ်” ဟု ပြန်ဖြေအယ်။ ယေရှုဟ “ပေတရု၊ နင့်ဟို ငါ ပြောတာဟ ခန့်ည ကြက်မတွန်ခင် နင်ဟ ငါ့ဟို မသိဟု သုံးကြိမ်မြောက်အောက် ငြင်းဆိုလိမ့်မယ်” ဟု ပြောအယ်။



အေးနောက် ယေရှုဟ တဘွဲတော်လို့နဲ့အတူ ဂေသရှေ့မန် ဟုခေါ်သော အရပ်ဟို ရောက်ဆီအယ်။ ကိုယ်တော်ဟ “ငါဟ အေးနေရာဟို သွားယွေ့ ဆုတောင်းနေစဉ် နင်လို့ ဟောနေရာတွင် ထိန်နေကြလော” . . .




. . . ဟု တဘွဲတော်လို့အား မိန့်ပင်းရင် ပေတရုနဲ့ ဇေဗဒဲရဲ့သားနေယောက်လို့ဟို ကိုယ်တော်နဲ့အတူ ခေါ်သွားအယ်။ ကိုယ်တော် ဆုတောင်းတာဟ “အဖါ” “ငါ့ အဖါ၊ ကိုယ်တော်အတွက် အရာခပ်သိမ်းဟ တတ်နိုင်ပါအယ်။”



“ဟေဒုက္ခဝေဒနာခွက်ဟို ငါ့ဆေမှ လွဲဖယ်ပေးပါ။ အဲလိုလဲ ငါရဲ့ အလိုအတိုင်း မဟုတ်ဘဲ၊ ကိုယ်တော်ရဲ့ အလိုအတိုင်း ဖြစ်စေမှုမန်” ဟု ဆောက်အယ်။



အဲလိုမို့ သူဟ ရောမစစ်သားတတပ်၊ ယဇ်ပုရောဟိတ်ကြီးလို့နဲ့ ဖာရိရဲ့လို့ရဲ့ စေလွှတ်လိုက်သော အစောင့်တပ်သားများဟိုလည်းကောင်း ခေါ် ခဲ့အယ်။ သူလို့ဟ မီးဖူးများ၊ မီးတုတ်များနဲ့ လက်နက်များဟို ကိုင်ဆောင်လာကြအယ်။ တဘွဲတော် တယောက်ဟ ယဇ်ပုရောဟိတ်မင်းရဲ့ ကျွန်တယောက်ဟို ထားဖြင့် ခုတ်သဖြင့် ညာဖက် နားရွက်ပြတ်လေအယ်။



အဲလိုလဲ ယေရှုဟ “တန့်ကြတော့” ဟု ပြောအယ်။ အေးသူရဲ့ နားရွက်ဟို လက်တော်ဖြင့် တို့ထိယွေ့ သူ့အနာဟို ပျောက်စေလေအယ်။



သူလို့ဟာ ယေရှုဟို ဖမ်းဆီးယွေ့ ယဇ်ပုရောဟိတ်မင်းရဲ့ အိုင်တော်ဟို ခေါ်ဆောင်သွားကြအယ်။ ပေတရုဟာ ခပ်ခွာခွာမှ လိုက်လာခဲ့အယ်။



15

လူအချို့ဟာ အိုင်တော်ဝင်း အလယ်တွင် မီးဖိုယွေ့ ထိန်နေကြအယ်။ ပေတရုဟာ သူလို့ရဲ့ အကြားတွင် ဝင်ယွေ့ ထိန်အယ်။




16

ပေတရု ခုတ်ယွေ့ နားရွက်ပြတ်သောသူနဲ့ ဆွေမျိုးတော်စပ်သော ယဇ်ပုရောဟိတ်မင်းရဲ့ ကျွန်တယောက်ဟာ "နင့်အား အေးသူနဲ့အတူ ဥယျာဉ်ထဲတွင် ငါမျှော်ခဲ့တာ မဟုတ်လော" ဟု မေးလေအယ်။




17

ပေတရုဟာ "ငါ မဟုတ်" ဟု တဖန် ငြင်းပြန်အယ်။ ခုတုံးပင် ကြက်တွန်လေအယ်။ ပေတရုဟာ အပြင်ဟို ထွက်ယွေ့ ရမ်းဆာ့ဝမ်းနဲ့စွာ ငိုကြွေးလေအယ်။



18


အဲပင်းရင် တရားလွတ်တော်တဖွဲ့လုံးဟာ ထယွေ့ ယေရှုအား ပိလတ်မင်းဆေဟို ခေါ်ဆောင်သွားကြအယ်။ ပိလတ်မင်းဟာ ကိုယ်တော်အား "နင့်ဟာ ယုဒဘုရင် ဟုတ်လော" ဟု မေးအယ်။ ယေရှုဟာ "မင်းကြီး



19

မေးလဲ့အတိုင်း မန်အယ်"

ပိလတ်မင်းဟာ ယေရှုအား လွတ်ငြိမ်းချမ်းသာခွင့် ပေးချင်ယွေ့ လူအုပ်ကြီးအား တခါ တင်ပြလေအယ်။ အဲလိုလဲ သူလို့ဟာ "သူ့ဟို လက်ဝါးကပ်တိုင်မှာ တင်မန့်၊ သူ့ဟို လက်ဝါးကပ်တိုင်မှာ



20

တင်မန့်" ဟု

အဲအခါ ပိလတ်မင်းဟာ ယေရှုဟို
လက်ဝါးကပ်တိုင်တွင် တင်ယွေ့သတ်ရန်
အေးသူလိုလက်သို့ အပ်လိုက်အယ်။ အဲလိုမို့
သူလိုဟာ ယေရှုဟို ခေါ်ဆောင်သွားအယ်။



21

ကိုယ်တော်ဟာ “ဦးခေါင်းခွံအရပ်”
ဟူယွေ့ နာမယ်တွင်သောအရပ်ဟို
မိမိလက်ဝါးကပ်တိုင်ဟို ထမ်းလျက်
ကြွအယ်။ အဲအရပ်ဟို ဟေဗြဲစကားဖြင့်
“ဂေါလဂေါသ” ဟု နာမယ် ဆိအယ်။




22

သူလိုဟာ အဲအရပ်နှိုက် ကိုယ်တော်ဟို
အခြားသူနေယောက်လို့နဲ့အတူ
လက်ဝါးကပ်တိုင်အပေါ်နှိုက်
တင်ကြပင်း
ယေရှုဟို
အလယ်နှိုက် ထားယွေ့
အဲသူနေဦးလိုဟို ကိုယ်တော်ရဲ့
တဖက်တချက်စီ ထားအယ်။




23

အဲအချိန်မှာ မွန်းတည့်အချိန်လောက် ဖြစ်ယွေ့ အေးအချိန်မှစယွေ့
မွန်းလွဲသုံးနာရီအထိ မြေတပြင်လုံးတွင်
နေရောင်အလင်းကွယ်ယွေ့
မိုက်အတိကျရောက်ပင်း
မိမိတော် ကန့်လန့်ကာဟလည်း
နေခြမ်းကွဲလေအယ်။




24

ယေရှုဟာ “တို့ဖ၊ ငါရဲ့ ဝိညာဉ်ဟို ကိုယ်တော်ရဲ့ လက်ဟို
အပ်အယ်” ဟု ကျယ်လောင်သောအသံဖြင့် အော်ကပင်း
အသက်ချုပ်လေအယ်။



25

အရိမသဲမြို့သား ယောသပ်
ရောက်လာသောအခါ
ညနေစောင်းနေပီ။
သူဟာ ဂုဏ်အသရေ
ကြီးမြင့်သူ



တရားလွှတ်တော်အဖွဲ့ဝင်
ဖြစ်ပင်း၊ ဘုရားသခင်ရဲ့
နိုင်ငံတော်တည်မဲ့အချိန်ဟို
စောင့်မျှော်နေသူဖြ
စ်အယ်။

26


အဖိတ်နေ့ (ဥပုသ်နေ့) ဖြစ်သောကျောနံ့
ယောသပ်ဟ ပိလတ်မင်းဆေသို့
ရဲရင့်စွာ သွားယွေ့ ယေရှုရဲ့
အလောင်းဟို
တောင်းလေအယ်။
ယောသပ်ဟ

ပိတ်ချောဟို
ဝယ်ယွေ့ အလောင်းဟို
လက်ဝါးကပ်တိုင်မှ
ချယွေ့ ပိတ်ချောဖြင့်
ပတ်ကာ၊ ကျောက်ဆောင်ဟို
ထွင်းထားလဲ့ လုတ်တိုင်းဂူနှိုက်
ထားလေအယ်။

အဲပင်းရင် လုတ်တိုင်းဝတွင်
ကျောက်တုံးကြီးဟို
လိုမ့်ချလိုက်အယ်။




နောက်တနေ့ ကုန်လွန်ယွေ့
ဥပုသ်နေ့ရောက်သော်
ယဇ်ပုရောဟိတ်ကြီးများနဲ့
ဖာရိရှုံများဟ ပိလတ်မင်း
ဆေဟို သွားပင်းရင် . . .




... "ဆရာ၊ အေးလူလိမ်
အသက်ဆုင်စဉ်အခါဟ
'ငါသည် သုံးရက်ကြာရင်
သေခြင်းမှ ထမြောက်မယ်'
ဟု ဟောခဲ့တာဟို ငါလို့
မှတ်မိအယ်။"



"သို့ဖြစ်ယွေ့ အေးသူလိုဟ
လုတ်တိုင်းဂူသို့ သွားပင်းရင်
ကျောက်တုံးဟို
တံဆိပ်ခတ်နှိုက်ကာ
အစောင့်တပ်များဟို
ချထားကြအယ်။"



ဥပုသ်နေ့ပင်းနောက် တနင်္ဂနွေနေ့
မိုးလင်းခါနီး အချိန်နှိုက်
မာဂဒလမြို့သူ မာရိနဲ့
တခြားမာရိလိုဟ
လုတ်တိုင်းဟို
သွားကျေ့ကြအယ်။



ရုတ်တရက်
ပြင်းလဲ့
မြေငလျင်လှုပ်
လေအယ်။

အကျောန်းမှာ ဘုရားသခင်ရဲ့
ခေါင်းခင်တမန်ဟ ခေါင်းခင်ဘုံမှ
ဆင်းလာယွေ့ ကျောက်တုံးဟို
တွန်းဖယ်ပင်း
အဲကျောက်တုံးပေါ်မှာ
ထိန်နေသောကျောန်း
ဖြစ်အယ်။

အစောင့်တပ်သားများဟ
ခေါင်းခင်တမန်ဟို ရမ်းဆွ
ကြောက်လန့်သဖြင့်
တုန်လှုပ်ကာ လူသေလိုမျိုး
ဖြစ်သွားကြအယ်။

ခေါင်းခင်တမန်ဟ မိန်းမလို့အား
"မကြောက်ကြနဲ့!
လက်ဝါးကပ်တိုင်တွင်
တင်ယွေ့သတ်ခံရသော
ယေရှုဟို နင်လို့
ဆာနေကျောန်းဟို

ငါသိအယ်။"

"ကိုယ်တော်ဟ ဟေနေရာနို့က် မဆိ
မိန်ခဲလဲ့အတိုင်း
ဆုင်ပြန်ထမြောက်ပီ။
ကိုယ်တော်
လျောင်းတဲ့နေရာဟို
လာပင်း ကျေ့
ကြလော့။"

အဲမိန်းမလို့ဟ ကြောက်လန့်ကြသော်လည်း
ရမ်းဆွ ရွှင်လန်းဝမ်းမြောက်စွာ
လုတ်တိုင်းဂူမှ မြန်မြန်ထွက်ခွာယွေ့
တဘွဲတော်လို့အား အေးသတင်းဟို
ဟောကြားရန် ပြေးကြအယ်။

အဲအချိန်နို့က် ယေရှုဟ သူလို့ဆေဟို
ရောက်ဆိလာကာ "နင်လို့ဟ
မင်္ဂလာဆိပါစေသော" ဟု မိန်အယ်။
သူလို့ဟ အထံတော်ဟို ချဉ်းကပ်ယွေ့
ခြေထောက်ဟို ဖက်ယမ်းလျက်

ပျပ်ဝပ်ရှိခိုးကြအယ်။

အဲပင်းရင် ယေရှုဟ တဆယ့်တပါးသော တဘွဲတော်လို့အား
စားသောက်နေစဉ် သူလို့ဟို ကိုယ်ထင်ပြလေအယ်။ သူလို့တွင်
ယုံကြည်ခြင်းမဆိသောကျောန်း ကိုယ်တော်အား
ဖူးမျော်ရသူလို့ရဲ့စကားဟို မယုံနိန်လောက်အောက် သူလို့ဟ
ခေါင်းမာသောကျောန်း၊ ကိုယ်တော်ဟ သူလို့အား
ပစ်တင်ဆုံးမလေအယ်။ သခင် ယေရှုဟ သူလို့နဲ့
စကားပြောပင်းနောက်၊ ခေါင်းခင်ဘုံသို့ ဆောင်ယူခြင်းဟို ခံပင်း
ဘုရားသခင်ရဲ့ လက်ယာတော်ဖက်တွင် ထိန်နေအယ်။



ရောမ 3:23 လူတိုင်းဟာ အပစ်ပြုကြပင်း ဘုရားသခင်ရဲ့ ကယ်တင်ခြင်း မျက်မှောက်တော်နဲ့ ဝေးကွာအယ်။

ရောမ 6:23 အကျောနဲ့မှာ အပစ်တရားရဲ့အခဟာ သေခြင်းဖြစ်ပေမဲ့ ဘုရားသခင်ရဲ့အလကားကား လက်ဆောင်ဟာ ငါလို့ အဆုတ် ခရစ်တော် ယေရှုနဲ့ တလုံးတဝတည်းဖြစ်ခြင်းအားဖြင့် ရဆီလဲ ထာဝရ အသက် ဖြစ်အယ်။

ဟေဗြဲ 9:27 လူဟာ တကြိမ်တည်း သေယွေ့ အေးနောက်မှ ဘုရားသခင်ရဲ့ တရားစီရင်ခြင်းဟို ခံရအယ်။

ဖေက 2:8,9 အကျောနဲ့မှာ ယုံကြည်ခြင်းအားဖြင့် နင်လို့ဟာ ဘုရားသခင်ရဲ့ ကျေးဇူးတော်ကျောနဲ့ ကယ်တင်ခြင်းသို့ ရောက်ကြပီ။ နင့်ရဲ့ ကြိုးစားအားထုတ်မှုရဲ့ ရလဒ်မဟုတ်ဘဲ ဘုရားသခင်ရဲ့ လက်ဆောင် ဖြစ်အယ်။ အေးလိုမို့ စသူမှ ဝါကြွားစရာ အကျောနဲ့မဆီ။

ရောမ 10:9,10 နင်လို့ဟာ "ယေရှုဟာ သခင် ဖြစ်အယ်" ဆိုတာဟို နင့်ရဲ့ စလောင်ဖြင့် ဝန်ခံယွေ့! ဘုရားသခင်ဟာ အေးသူဟို သေခြင်းမှ ထမြောက်စေပီဟု စိတ်နေလုံးထဲနို့က် ယုံကြည်ရင်၊ နင်လို့ဟာ ကယ်တင်ခြင်းဟို ရောက်လိမ့်မယ်။ အကျောနဲ့မှာ ငါလို့ စိတ်နေလုံးနဲ့ ယုံကြည်ခြင်းအားဖြင့် ဖြောင့်မတ်ခြင်းဟို ရအယ်။ စလောင်ဖြင့် ဝန်ခံယွေ့ ကယ်တင်ခြင်း ခံရအယ်။

ယောဟန် 3:16,17 ဘုရားသခင်ဟာ လောကသားလို့ဟို ရမ်းဆာ့ ချစ်သောကျောနဲ့ မိမိရဲ့တပါးတည်းသော သားတော်ဟို ပေးအယ်။ အဲဟာဟာ သားတော်ဟို ယုံကြည်သောသူတိုင်း မပျက်စီးဘဲ ထာဝရအသက်ဟို ရဆီစေရန် ဖြစ်အယ်။ အကျောနဲ့မှာ ဘုရားသခင်ဟာ သားတော်ဟို ဟေလောကသို့ စေလွှတ်တာဟာ လောကသားလို့ဟို အပစ်စီရင်ရန် မဟုတ်။ အဲလိုလဲ လောကသားလို့ဟာ သားတော်အားဖြင့် ကယ်တင်ခြင်း ခံရရန်အတွက် ဖြစ်အယ်။

၁ ယောဟန် 5:11-13 အဲသက်သေခံချက်မှာ ဘုရားသခင်ဟာ ငါလို့အား ထာဝရ အသက်ဟို ပေးပင်း အဲအသက်ဟာ ဘုရားသခင်ရဲ့ သားတော်နို့က် ဆီအယ်ဟူယွေ့ ဖြစ်အယ်။ သားတော်ဟို ရဆီသောသူဟာ အသက်ဟို ရအယ်။ ဘုရားသခင်ရဲ့ သားတော်ဟို မရဆီသောသူဟာ အသက်ဟို မရ။ ဘုရားသခင်ရဲ့ သားတော်ဟို ယုံကြည်သောသူ နင်လို့ဟာ ထာဝရ အသက်ဟို ရဆီကျောနဲ့ သိကြစေရန် ဟေအကျောနဲ့အရာများဟို ငါ ရေးလိုက်အယ်။

မသဲ 26-28; လုကာ 22-24; ယောဟန် 13-21

Storyline by: Edward D. Hughes

Illustrated by: Janie Forest and Alastair Paterson

Adapted by: Lyn Doerksen

Danu NT (dnv) © The Word for the World International, 2024.

<https://www.bible.com/en-GB/bible/3789/MAT.1.NTDNB24>

©2026 Bible for Children, Inc. www.M1914.org www.bibleforchildren.org